

আগামী বছর ফেব্রুয়ারিতে এসএসসি, জুনে এইচএসসি

সংবাদ অনলাইন রিপোর্ট

: মঙ্গলবার, ০৫ সেপ্টেম্বর ২০২৩



আগামী বছর মাধ্যমিক স্কুল সার্টিফিকেট (এসএসসি) ও সমমান পরীক্ষা ফেব্রুয়ারিতে আর উচ্চ মাধ্যমিক সার্টিফিকেট (এইচএসসি) ও সমমানের পরীক্ষা জুনে অনুষ্ঠিত হবে।

সোমবার (৪ সেপ্টেম্বর) মাধ্যমিক ও উচ্চমাধ্যমিক শিক্ষা বোর্ডের দেওয়া এক বিজ্ঞপ্তিতে এ তথ্য জানানো হয়েছে।

বিজ্ঞপ্তিতে জানানো হয়, আগামী বছর ফেব্রুয়ারির দ্বিতীয় সপ্তাহে এসএসসি ও সমমান পরীক্ষা এবং জুনের দ্বিতীয় সপ্তাহে এইচএসসি ও সমমান পরীক্ষা অনুষ্ঠিত হবে।

বিজ্ঞপ্তিতে আরও জানানো হয়, এসএসসি পরীক্ষা পূর্ণাঙ্গ পাঠ্যসূচিতে হবে। তবে এইচএসসি পরীক্ষা হবে ২০২৩ সালের পুনর্বিন্যাস করা পাঠ্যসূচিতে।